

## TE HEEHURAA API

I neia i te piha neneiraa na te Ekalesia a Iesu Mesia i te Faaia  
Mo'a i te Mau Mahana Hopea Nei i Papeete, Tahiti,  
i te mau fenua Sotaiete, i te mau avae atoa.  
Te hoo e piti farane i te matahiti hoê.

Nu. 2.

Febuare 1931.

Mat. 25.

O teie ia te piti o te hoê mau haapiiraa i faaineinehia e te  
Epitetopo Rahi no te mau Diakono; Ua faaauhia ei reô Tahiti e Edua.

### Ta Iosepha Fariiraa i te Mana Mo'a ra

A iriti ai Iosepha, mai te tauturuhia e te Urima e te Tu-  
mima, i te parau i ootihia i nia iho i te mau api auro, tei ho-  
roahia mai ia'na e te melahi o Moroni, e a papai ai Olive  
Taudere i te parau, "na te Buka a Moromona," ta Iosepha  
i faaite ia'na, ua taió raua i te hoé parau no nia iho i te ba-  
petizoraa ia matara i te hara. Ua manaó raua e, e vea mau  
te reira ia raua, e ua paraparau maoro raua i te reira. I te  
avae Me i te matahiti 1829, ua haere raua i roto i te uru ra-  
au e tuturi i raro ia pure i te Fatu. Ua ani raua ia'na ia  
hananaramama mai ia raua i nia iho i te parau no te bape-  
tizoraa.

A pure ai raua ua fâ mai te hoé melahi ma te hanaha-  
na ia raua ra. Ua faaite mai oia e, o "Ioane Bapetizo" oia  
mai te au i itehia i te tau no Iesu, e ua tae mai oia ia horoa  
atu ia raua te mana moá. Ua tuu oia i to'na rima i nia iho  
i to raua na upoo i te na ôraa mai e, "I nia iho ia orua e



ta'u na taeae tavini, i te io'a o te Mesia te tuu atu nei au i te Autahuáaraa a Aarona tei mau i te taviri o te melahi tavini ra e te taviri hoi o te Evanelia no te tatarahapa, e o te baptizoraa utuhi ia matara i te hara, e e ore e rave-ê-hia teie i te fenua nei e ia pûpû faahou te tamarîi tamaroa a Levi ra i te ô i te Atua ra ma te parau tia''. Ua faaue maira oia ia raua; reva'tura ma te hanahana.

I reira mai te haapao i ta'na mau faaueraa, ua baptizo Iosepha ia Olive, e ua baptizo Olive ia Iosepha. I reira Iosepha i faatoroa'i ia Olive i te Autahuáaraa a Aarona, e na Olive i faatoroa ia Iosepha ra. Ua tae mai te varua tohu i nia iho ia raua, e e rave rahi te mau mea ta raua i tohu ra.

I te avae Tiunu i te matahiti 1826, i Faete, i te matae-naa o Seneca, i Niu loka, ua fâ hanahana mai na melahi e toru, oia hoi, o Petero e o Ioane e o Iokobo mai te au i to ratou na iôa i te tau no Iesu, ia Iosepha Semita raua Olive Taudere. Tei ia ratou hoi te mau taviri mana no te reira tau. Ua faatoroa ratou ia Iosepha ei aposetolo, e ua horoa'tu ia'na i te Autahuáaraa a Melahizedeka, o tei horoahia ia ratou e Iesu Mesia i to'na faaearea i te fenua nei. I reira ratou i faatoroa'i ia Olive Taudere i taua Autahuáaraa ra. Na muri aé i to ratou revaraa ma te hanahana, ua faatoroa-faahou-hia Olive e Iosepha, e ua na reirahia mai Iosepha e Olive. Ua tamauhia te horoaraa o te Varua Maitai i nia ia Iosepha raua to'na taeae tavini, e ua farii oaoa raua i To'na mau haamaitairaa.

I to Moroni fâraa matamua mai ia Iosepha, i te 21 no Setepa, te matahiti 1823, tei rotopu te mau mea ta'na i faaite mai teie fafauraa; "Inaha; E horoa'tu van ia oe i te Autahuáaraa na te rima o Eliaha, te Peropheta, na mua i te taeraa mai i taua mahana rahi mataú o te Fatu ra; ia faafariu oia i te aau o te mau metua i te mau tamarîi e te aau o te

aau  
ua h

taira  
te h  
no t  
raua  
avae  
to'n  
tea.  
'na  
mau  
hia  
hor  
I re  
tau  
mai  
te i  
viri

vai  
i ta  
e ra  
tum

e te  
vih  
hia



aau o te mau tamarī i to ratou mau metua. Ahiri aita ia, ua haamauá-roa-hia te fenua nei i To'na haereraa mai''.

Fatata i te ahuru ma toru matahiti aéra, i te haamāitairaa i te hiero i Ketelani, ua farīi Iosepha raua o Olive i te hoé orama maere, e i roto hoi ua horoahia te tehi mana â no te faatiaraa i te Ekalesia. Ua fâ maira Iesu Mesia ia raua, tia aéra Oia i nia iho i te terono. I raro aé i to'na avae, ite atura raua i te hoé mea auro. Mai te ura auahi to'na mata. Te rouru o to'na upoo, mai te hiona ia te tea-tea. Ua hau to'na hanahana i to te mahana ra, e ua au to'na reó i te tahe-puai-raa o te pape rahi. E rave rahi te mau faaneraa faufaa rahi ta'na i horoa ia raua ra. Vehea-hia aéra te raí, e ua fâ maira te melahi ra, O Mose, e ua horo maira i te mau taviri no te haaputuputuraa o Iseraela. I reira, ua tae mai Elia e ua horoa maira i te mana no te tau tuuraa Evanelia no Aberahama. I reira i hora ua fâ mai o Eliaha, te Peropheta tei ravehia i nia i te raí ra ma te ite ore i te pohe, e ua horoa mai oia ia raua i te mau taviri ia ora to tei pohe ra.

## Ua Topa te tahi Pae i te Mau Vahi Pâpâ

Te vai nei te mau mea rarahi tei faaite mai ia tatou e, te vai nei te Atua ra; te vai atoa nei te mau mea naínaí i ore i taióhia tei faatia atoa Ia'na. E riro te hoé huero naínaí e raau rahi, e e riro te tahi huero e tiare nehenehe i te pae tumu o taua raau rahi ra.

Te parau teie no te hoé huero naínaí tei riro e raau rahi e te puai hoi. Te ora ra te hoé vahine taoá rahi e te aravihi hoi i ta'na ohipa, i te fenua ra Purutia. Ua faatura-hia oia i te mau taata atoa i roto i taua fenua ra.

No-to'na manuiaraa e no ta'na taoá rahi, aore i oia cia i



horoa'tu i te Atua te hanahana, ua rave mai râ oia i te hanahana no'na iho. Ua parau oia e, "Aita roa e ora hou teie nei ora, teie râ te hoé noa iho ora e aita e atu â, e aita roa e ora i muri aé i teie ora nei."

Ua papai oia i roto i ta'na parau opereraa taoá i te huru o te menema ta'na i hinaaro ia pohe oia, "A hamani i to'u menema i te mau ofai teiaha e te tima, e tuu i te mau ofai rarahi i nia iho e tapea i te reira i te mau tapea auri ia ore te hoé mana i nia i te raí ra e aore râ te hoé mana i raro i te fenua nei e iriti i to'u menema."

Ua mairi e na matahiti e huru rahi, e ua pohe atura taua vahine ra.

Aita i moé vave to'na pure-huna-raa no te nehenehe e te tura i faaitēhia ia'na. Ua faaineinehia te menema mai te au i ta'na parua, ua patuhia ia i te ofai e te tima, ua tuu-atoa-hia te mau ofai rarahi i tapeahia i te mau tapea auri i nia iho, e ua parua maira te mai te taata, "Eita roa taua menemara e haapararihia."

Ua oti nehenehe roa, e aore hoi e maniania i roto i taua aua huna tino pohe ra. Ua mairi mai râ te hoé huero naí-naí, e ua topa te reira i roto i te hoé apoo naí-naí i roto i taua menema ra.

Ua tupu maitai taua huero ra, e ua toro to'na aa i raro e te amaa i nia, ua tupu te tumu i te rahi e te puai hoi. Ua tupu noa ia e tae noa'tu ua fati roa taua mau tapea auri ra, e ua vahihia e ua iriti-roa-hia taua menema ra----ua faaorehia taua parau ra e, "ia ore te hoé mana i nia i te raí ra e aore râ i raro i nia iho i te fenua nei e iriti i te menema."

Ua mairi atura te mau matahiti e rave rahi, e ua tupu te maere o te mau taata tei haere mai ia mataitai i taua menema ra, no te mea ua hamanihia te reira e ua opani-roa-hia i te mau ofai rarahi e te mau tapea auri ia vai noa-mai te-



ra te huru e a muri noa'tu, e na te hoé huero naínaí i haaparare i te reira.

“O Raau e, nohea mai to oe puai rahi ia faahaama i te parau o te hoé vahine faaroo ore?”

Ua pahono maira taua raau ra mai te faatororaa'tu i to'na mau amaa i nia i te raí, “No te Atua mai to'u puai rahi.”

—*Papaihia e Teina*

## Teihea te Ohipa Faufaa Ore

Ua tomo te hoé tamaiti naínaí i roto i te fare tamuta no to'na metua tane. Ua tupu te manaó i roto ia'na ia hamani i te hoé pereoo. Ua itehia e ana te raau e te mau mauhaa tamuta. Aita i maoro ua oti ia'na e piti hui ra naínaí i te taraihia. Ua tarai faahou oia i te hoé raau ia tuati i teie na hui ra. Ua rave oia i te hou e ua ohia te hoé apoo i ropu roa i te na hui ra, e ua patitihia i nia iho i te raau tua-tiraa. Ua hamani oia i te hoé afata ia tamau i nia iho. Ua imihia te peni, e ua penihia ta'na pereoo. Ua oti nehenehe roa teie ohipa ia'na, e e oaoa rahi roa to'na i te hió atu i ta'na ohipa maitai i faaotihia. Ua tomo to'na metua tane i roto, te puhipuhi ra oia i te avaava. Ua parau atura oia i to'na tamaiti, “E ta'u tamaiti, e ohipa faufaa ore ta oe.” Ua taia te aau o taua tamaiti naínaí ra i te faarooraa i te parau faaino i nia iho i ta'na ohipa maitai. Ua parau atura oia i to'na metua tane, “E papa, teihea te ohipa faufaa ore; te ohipata'u e rave nei, e aore râ ta oe faaoteraa i tera anauahi na roto i tera mea i roto i to oe opu ia puhipuhi-faahou-hia i rapae au. Ua faarue taua metua tane i ta'na avaava i mua i te aro o ta'na tamaiti naínaí, e aore oia i puhipuhi faahou.

—*Papaihia e Edua*



## FAAAMU I TE VARUA

I te poipoi e faaineine tatou i te maa e ia oti e tamaa tatou e tae noa'tu ua paea maitai. Arauaé e poia faahou te tino e e tamaa faahou tatou, i te ahiahi e na reira faahou tatou, e na reira noa tatou mai to tatou fanauraa e tae noa'tu i to tatou poheraa. Ahiri aita tatou i na reira'i, e paruparu ia to tatou tino e pohe roa ia.

Hoé â huru ia te pae varua. Ua tia ia tatou ia faamu noa i to tatou varua i te maa varua ia ore te reira e paruparu e pohe roa. Ia aratai to tatou varua ia tatou e tiaí, e eiaha roa tatou e auraro i te mau hinaaro o te pae tino. "O te haapao hoi i ta te tino ra, o te pohe ia; area o te haapao i ta te varua ra, o te ora ia e te hau."

Mai te mea e haere tatou i raro aé i te aratairaa o te varua, e riro ia te Varua Maitai to tatou aratai. Mai te hoé radio i faatanohia i te tahi radio ia farii i te parau, hoé â ia to tatou varua, ia faaau hoi tatou i to tatou varua i te huru o te Varua Maitai e roaa ia tatou te tauturu o te Varua Maitai e aratai no tatou, no te mea e haapao hoi tatou i te mau mea i titauphia e te Atua i reira.

Aita â vau i faaite ia outou i te ravea e faaamu tatou i to tatou mau varua i te maa varua ia tupu ratou i te puai. Ua hope roa ia i roto te hoé noa iho parau, oia ia te pure. Haamanaó tatou i taua himene te na ô maira e, "Te hiaai mau o te aau i parau-ore-hia, E ama noa'i te manaó, te pure mau ia.

Faaite atu tatou i te hiaai mau o to tatou aau i te Atua e Na'na hoi e pahono mai. Ei reira e haere ai tatou mai roto mai i te poiri i te maramarama.

Aita hoi te taata i hau aé i ta'na pure mau.

—*Papaihia e Eduana*

ra. o  
pato





*"Te ere ra rá te hoé o outou i te ite, e ani cia i te Atua  
ra. o tei horoa hua mai i te maitai i te taata atoa ra, ma te  
pato i ore; e e koroakia mai ta'na." Iakobo 1:5.*



## Te Faufaa o te Ao nei e o te Ao ra

A hió i te huru o to te ao nei! Te vai nei te mau taa-ta huru rau, e ua huru rau to ratou mau hinaaro, e ta ratou mau haapaoraa.

Ua au râ te parau ta Iesu i parau mai, "Te vahi hoi i vai'hohia ta outou taoá, e riro atoa i reira to outou aaú."

Te vai nei te huru taata i te ao nei e rave oia i ta'na ohipa e ono mahana i te hepetoma hoé, e te hitu râ, e haere oia i te tahi atu â mau vahi e imi i te arearea, e aore râ te tahi atu â ohipa i faatupuhia e te taata nei. Ia oti anaé te mahana Tapati e hoí oia e haamata faahou i ta'na imiraa i te faufaa o te ao nei.

E teie nei e aha ta tera huru taata faufaa i roaa mai? Ahiri oia i haere i te pureraa i te mahana Tapati, e aufau atu i ta te Atua tufaa Ia'na, e mea pâpû ua rahi aé to'na oaoa i ta'na ohipa i rave ra. E parau mau hoi, na te Atua te mau faufaa o to te ao nei, area râ ua horoahia mai te reira i te taata, ia aha? Ia haamaitai i To'na Basileia te fenua nei e ia faataa-atoa-hia ta te Atua faufaa i roto i te mau huru faufaa atoa.

A faaroo na i te parau ta Iesu i parau mai, "Eiaha e hapue noa te taoá na outou i teie nei ao i te vahi e tomohia'i e e eiahia'i e te eiâ; haapue râ i te taoá na outou i nia i te raí i te vahi e ore e pau ai i te huhu e te pé, e ore hoi te eiâ e tomo i reira e eiâ ai."

Ua ite pâpû te taata nei te vai nei te taata te eiâ, e e pé hoi te mau huru ohipa atoa. Aita te taata e haamori i te Atua na roto anaé i te taoá o te ao nei, na roto râ i te varua oia e haamori ai Ia'na.

"Eaha ta te taata faufaa i noaa ia noaa ia'na te taoá atoa o teie ao, ia ere oia i te ora? Eaha hoi ta te taata e ore e horoa ei hoo no to'na iho ora? (Mataio 16:26.) — A taió hoi e feruri i teie nei parau.

—*Papaihia e Coleman*



## Te Mau Parau Apî

*E OHIPA EIA HOI*

I te tahi po i mairi aénei i te fenua i Amerika, ua anihia te hoé taote na nia i te parau niuniu, ia haere i te hoé fare e raau i te hoé taata e maí rahi roa to'na. Ua haere atura te taote i rapae au ia tii oia i to'na pereoo uira e farerei ihora oia i na taata eia toopiti. Ua parau maira te hoé, "O maua ia taua taata maí ra," e oia iho ia tei faaau i te parau haavare na nia i taua parau niuniu ra. Ua eia ihora raua i taua taote ra. Ua ravehia ta'na moni, ta'na uati, e to'na pereoo uira.

*E FENUA API VAIRAA PIRU*

I roto i te hoé tufaa fenua metepara i roto i te fenua i Amerika o tei parauhia Nevada, te tiaí nei te mau taata heru auro i te parau apî te faaite ia ratou ua itehia te hoé vahi apî vairaa piru.

Ua imi haere na taata toopiti i te piru i roto i te hoé vahi metepara. E hoé matahiti te maororaa o ta raua imiraa, e i teie nei ua ite hoi raua i te hoé tnfaa fenua vairaa piru. Ua heru raua i taua feuna ra, e ua faaí raua i te tahi mau pute i te reira repo, hopoi atura raua i te reira i te hoé oire na nia i te pereoo auahi ia hiopoahia taua repo ra e te mau taata haapiihia i te ohipa hiopoaraa auro, ia haapâpû te rahi o taua metala faufaa i roto i te reira repo ra. E maí te mea e rahi te piru i roto i taua repo ra, e tupu ia te hoé haereraa rahi i tera fenua ra.

Ua haere aénei te tahi mau taata, te pae rahi râ e tiaí e tae noa'tu ua hiopoa-maitai-hia taua repo ra. I te tau tahito ua tere teie mau taata imi piru i te mau vahi vairaa piru na nia i te mau puaahorofenua e te mau asini, e mea



taupupu roa ta ratou tere. I teie nei râ, mai te mea e fau-  
faa taua repo ra, e haere ratou i taua vahi na nia i te mau  
pereoo uira, e e ôioi roa te haereraa.

### E POURI TAERO ROA

I roto i te fenua i Peretita ua tae te hoé pouri taero i  
nia aé i te fenua tei haapohe roa e 64 taata, e e 300 taata i  
haamauiuihia hoi i taua pouri taero ra. Aita roa ratou i te  
nohea mai taua pouri ra e aore râ eaha mau ia, tira ta ratou  
i ite e mea taero roa ia. Ua tae taua pouri ra i nia aé i na  
oire e vanu e i roto te reira mau vahi ua tupu te mamae e te  
pohe. E maha mahana te maoro o te pouri i nia aé i te  
fenua, e i roto i taua na mahana ra, ua faaea noa te mau ta-  
ata i roto i to ratou mau fare. Ua opani maitai ratou i te  
mau uputa i roto i te fare, e ua tuu ihora ratou i te ahu e te  
parau i roto i te mau apoo naínaí ia ore te pouri e haere mai  
i roto e rave i ta'na ohipa pohe.

E ere te taata anaé tei haapohehia. E rave rahi te ua-  
atoto e te tahi mau huru puaa tei pohe roa i taua pouri ra.  
Ua aratai te mau taata i ta ratou mau puatoro i roto i ta  
ratou mau fare mai te tamataraa ia fzaora ia ratou.

Te imi noa te hau e te mau taata ite hohonu i te mea ta-  
ero mau i roto i taua pouri ra. E mea rahi te mau manaó  
i tuuhia mai i nia iho i te tumu no te mau pohe, te vai noa  
ra te tumu mau.

Ua manaóhia te tere ra taua pouri ra i te fenua i Para-  
tane no te mea ua pohe roa te nana puatoro i roto i te hoé  
aua, e te tumu no to ratou poheraa, e pouri taero iho ia mai  
te huru o te pouri taero i Peretita.

### E OPU FAUFAA RAHI

Te imi nei te hoé vahine i te oire i San Fransico i Tara-  
fonia i te puaa tei amu i ta'na mau tapea rima e te tahi mau

huru  
mea t  
ete ra  
e ua f  
faa i  
i te p

tamu  
na Pe  
tua M  
lencia  
e piti

N  
i te 6

U  
fenua  
ta faa  
i te h  
tino p  
ha, e  
reira  
Eono  
i taua



huru taoá na'na. Ua vaiiho taua vahine ra i ta'na mau mea taoá i roto i te hoé ete e i muri mai faaíihora oia i taua ete ra i te maa, e ua hopoi atura oia i te reira i te aua puaa e ua faaamu oia ia ratou. Ua moé roa ia'na ta'na mau fau-faa i vaiihohia i roto i taua ete ra. I teie nei te imi nei oia i te puaa tei amu i te reira.

### E PAHI API

Ua reva te pahi apî o Tehare no to'na tere matamua. Ua opuahia e tere ia i te tahi mau fenua atea roa na Petania e Easter Island e e tae roa'tu i Rapanui. O Tetua Mervin ia te raatira i nia iho i taua pahi apî nei. O Valencia to'na ra ioá; e pahi nehenehe roa oia. Hoé hanere e piti ahuru tani to'na faito. E pahi teitei oia.

### POIRI ROA I TE HORA IVA I TE POIPOI

No te huru-ê-raa o te reva i Pari i te fenua ra O Farani i te 6 no Titema te poiri noa ra i te hora iva i te poipoi.

### E ERE IA E TINO POHE

Ua tupu te maere o te mau taata i roto i te hoé oire i te fenua i Taina, oia hoi, te fenua Tinito, a tae mai ai na taata faaapu tootoru i roto i taua oire ra mai te hopoiraa mai i te hoé puohu rahi roa. Ua manaó ihora te mau taata e tino pohe iho ia. Ua tatarahia râ taua puohu rahi ra e inaha, e ere ia e tino pohe--e meleni rahi râ. Ua faitohia te reira e ua tae to'na faito i te ono ahuru ma piti kilo e te afa. E ono avae te roa o taua meleni ra. Ua riro te rê matamua i taua meleni no to'na rahiraa ra.



*UA FAAROO TO AMERIKA TAATO*

I te oire i Roto Miti i Amerika i te 28 no Ditema 1930, ua faatere e mau taata e 400 i te hoé himeneraa rahi o tei parauhia, "Te Mesia" (The Messiah). Ua faaterehia taua himeneraa i roto i te fare rahi menemene no te Ekalesia a Iesu Mesia i te Feia Moá i te Mau Mahana Hopea Nei. Ua taniunuihia taua himeneraa ra na nia i te mau radio i nia iho i te taatoaraa o te fenua i Amerika, Ua tuatihia te mau radio te tahi i te tahi e ua manaóhia e te mau taata faatere radio, ua faaroo e piti ahuru mirioni taata i taua himeneraa ra i te reira mahana.

*345 HUERO MOA I ROTO 365 MAHANA*

Te reira ia te ohipa maere o te hoé moa ufa i Amerika. Ua riro te rê matamua ia'na no to'na ofaaraa i te huero moa. Ua ofaa oia e 345 huero moa i te mau mahana e 365.

*E FAUFAA HUNA*

I te oire ra i Pari i te fenua i Farani te heru ra hoi té hoé tamaiti i te repo i ta'na ope naínaí. Ua ite aéra oia i te hoé tufaa moni auro. Ua pii atu oia i to'na papa ia hare mai. A tae mai ai oia ua heru â raua e ite aéra raua i te tahi mau tufaa moni auro. I te faaotiraa o te heruraa ua roaa ia raua e 75 tufaa auro, oia e faufaa rahi roa hoi. E tata parau tia to'na papa e no reira hopoi atura oia i taua faufaa rahi i te fare mutoi ia itehia te fatu mau no taua moni huna ra. E mai te mea e mairi te hoé matahiti e aita roa te fatu mau e itehia e riro taua moni auro i taua taata parau tia ra.

M. Bonnet M. Gerant et Imprimeur,  
Rue Brea et de la rue Dumont d'Urville, Orovini, Papeete